

## ТАНЛОВ ТЎҒРИСИДА БИЛИШ ЛОЗИМ БЎЛГАН МАЪЛУМОТЛАР

### 1. Конкурса ким қатнаша олади?

Конкурса камида бакалавр даражасига эга бўлган олий маълумотли ёш мутахассислар\* қатнашишлари мумкин.

*\*фақатгина эълон қилинган мутахассисликлар бўйича*

### 2. Конкурса чет эл фуқароси қатнаша оладими?

Танловда фақат Ўзбекистон фуқаролари қатнашиш ҳуқуқига эга.

### 3. Ёш жиҳатидан чегараланишлар борми?

Танловда 35 ёшдан катта бўлмаган фуқаролар қатнашиш имкониятига эга.

### 4. Қатнашувчига қўйилган талаблар?

Фонд грантини қўлга киритишни истаган республикамиз ҳамда чет эл олий таълим муассасаларини муваффақиятли битирган иқтидорли ва истеъдодли йигит-қизлар (*кейинги матнда номзодлар*)га қўйиладиган асосий талаблар:

фаолиятини миллий истиқлол ғояларига бағишлаш, Ватани ва халқининг иқтисодий ва маънавий равнақига хизмат қилишни ўз бурчи ва ҳаётини маслаги деб билиш;

умумбашарий ва миллий қадриятлар руҳида фикр юритиш, кенг дунёқараш ва юксак ахлоқ соҳиби бўлиш;

танлаган мутахассислиги бўйича чуқур билимга эга бўлиш ҳамда камида битта хорижий тилни аъло даражада билиш.

Ўзбекистонни, унинг маориф мактаби ва илмий анъаналарини чет элда муносиб тақдим этиш, танланган мутахассислик бўйича замонавий билимларни эгаллаш қобилиятини намоён этиш.

### 5. Қайси ўқув тизимлари бўйича таҳсил олса бўлади?

Қатнашчилар (2 йилдан ортиқ бўлмаган) магистратура дастури бўйича таҳсил олиш имкониятини қўлга киритиш учун танловда қатнашадилар.

### 6. Қайси чет эл давлатларида таҳсил олиш имконияти берилади?

Европа ва АҚШ олий таълим муассасаларида.

### 7. Қандай йўналишлар бор?

Номзодлар қуйидаги йўналишлардан бирида магистратура дастурида ўқиш имконияти берувчи танловда иштирок этадилар:

1. ТАБИЙ ФАНЛАР (қайта тикланувчи энергия манбалари, кимё);
2. СУВ ВА ЕР РЕСУРСЛАРИНИ БОШҚАРИШ;
3. МАШИНАСОЗЛИК ТЕХНОЛОГИЯЛАРИ;
4. ОЗИҚ-ОВҚАТ ТЕХНОЛОГИЯЛАРИ;
5. ОЗИҚ-ОВҚАТ ХАВФСИЗЛИГИ;
6. ОЗИҚ-ОВҚАТ ИШЛАБ ЧИҚАРИШ ВА МАРКЕТИНГИ;
7. АРХИТЕКТУРА (шаҳарсозлик, тарихий обидаларни муҳофаза этиш ва қайта тиклаш);
8. ДИЗАЙН (маҳсулот дизайни, саноат ва меъморчилик дизайни);
9. РАССОМЛИК.

## 8. Ҳужжатлар рўйхати?

Ислом Каримов номидаги республика хайрия жамоат фонди грантини олиш бўйича танловда иштирок этиш учун талаб этиладаиган ҳужжатлар рўйхати:

№	Ҳужжат номи	Изоҳ
1.	Фонд томонидан тасдиқланган шакл бўйича танловда иштирок этишга ариза.	Ҳужжатларни топшириш пайтида тўлдирилади
2.	Олий таълим муассаси ректори (корхона, ташкилот, муассаса раҳбари)нинг танловда иштирок этишга тавсияси	
3.	Фонд томонидан тасдиқланган шакл бўйича шахсий варақ	Ҳужжатларни топшириш пайтида тўлдирилади
4.	Паспорт	
5.	Паспорт нусхаси	
6.	Олий таълим муассасини битирганлигини тасдиқловчи диплом	
	ёки олий таълим муассаси ректорининг охириги босқичда таҳсил олаётганлигини тасдиқловчи маълумотнома	
7.	Олий таълим муассасини битирганлигини тасдиқловчи диплом нусхаси	
8.	Яшаш жойидан маълумотнома (рўйхатдан ўтган жойидан)	
9.	086 шаклидаги тиббий маълумотнома	Танловнинг барча босқичидан муваффақиятли ўтилгандан сўнг тақдим этилади
10.	Фотосурат 3 x 4	4 dona
11.	Файл папка (10 варақли)	1 dona

## 9. Ҳужжатлар қабули қачон бошланади?

Ҳужжатлар 2017 йилнинг 10-31 январь кунлари Фонд биносида қабул қилинади.

## 10. Керакли саналар?

№	Босқич	Сана	Манзил
1	Ҳужжатлар қабули	10-31 январь	Фонд биносида
2	Чет тилидан махсус сараловчи имтиҳон	1-4 февраль	
3	Чет тили имтиҳон натижаларини эълон қилиниши	25-26 февраль	
4	Мутахассислик бўйича имтиҳон	28 февралдан – 3 мартга қадар	
5	Мутахассислик бўйича оғзаки имтиҳон	13-16 март	

	хамда маънавий психологик ҳислатларни аниқловчи суҳбат		
6	Чет тилидан хал қилувчи расмий имтиҳон	18-22 март	
7	Имтиҳон натижаларини эълон қилиш	31 март – 5 апрель	
8	Ғолибларни эълон қилиш	12 апрель	

## 11. Фонд қаерда жойлашган?

Ислом Каримов номидаги республика хайрия жамоат фонди қуйидаги манзилда жойлашган: Тошкент шаҳар, Мирзо Улуғбек тумани, Мовароуннаҳр кўчаси, 24-уй.

### а. Қандай етиб олса бўлади?

Фондга жамоат транспортдан метро ёрдамида (Ҳамид Олимжон станцияси) етиб олса бўлади (қулайлик учун харитага қаранг)

### б. Манзил харитаси?



### с. Мўлжал:

Мирзо Улуғбек истироҳат боғи, Банк-молия академияси биноси, “Сен ёлғиз эмассан” хайрия жамоатчилилик фонди биносида.

## 12. Фонд иш соатлари?

Иш кунлари: душанба-жума

Иш вақти: 9:00 – 13:00

## 13. Ҳужжатлар қаерда қабул қилинади?

Ҳужжатлар Ислом Каримов номидаги республика хайрия жамоат фонди биносида қабул қилинади. Манзил: Тошкент шаҳар, Мирзо Улуғбек тумани, Мовароуннаҳр кўчаси, 24-уй, \_\_\_-хона.

## 14. Танлов нечта босқичдан иборат?

Танлов тўрт босқичдан иборат.\*

1	2	3	4
Чет тилидан сараловчи имтиҳон	Танланган мутахассислик бўйича имтиҳон	Мутахассислик бўйича оғзаки имтиҳон ҳамда маънавий психологик ҳислатларни аниқловчи суҳбат	Чет тилидан хал қилувчи расмий имтиҳон

\*Агар қатнашчиларнинг сони кўпайиб кетса, ҳаққонийлик асносида муносиб номзодни аниқлаш мақсадида *чет тилида танланган мутахассислиги бўйича қўшимча ёзма имтиҳон* ўтказилади.

## 15. Имтиҳонлар:

### а. Қаерда бўлиб ўтади?

Имтиҳон бўлиб ўтадиган манзил олдиндан фонд биносидаги маълумот деворида ҳамда фонднинг интернет саҳифаларида мунтазам равишда эълон қилинади.

### б. Имтиҳон топшириш учун қандай ҳужжатлар керак?

Қатнашчи имтиҳонга паспорт (оригинал) ҳамда **индивидуал тартиб рақами кўрсатилган ҳужжатни** олиб келиши шарт.

### с. Ким ўтказади?

Ҳар бир имтиҳон махсус таклиф этилган тегишли соҳада кўп йиллик амалий тажрибага эга бўлган малакали мутахассислар, тегишли соҳа йўналишидаги олий таълим муассасалари профессор-ўқитувчилари томонидан ўтказилади.

### д. Имтиҳон натижаларини ким текширади?

Имтиҳонларни ҳамкор ташкилотлардан бириктирилган ҳамда мутахассис профессор-ўқитувчилардан иборат махсус ташкил этилган гуруҳ аъзолари текширади.

### е. Жавоблар қачон эълон қилинади?

№	Босқич	Сана
1	Чет тили имтиҳон натижаларини эълон қилиниши	25-26 февраль
2	Мутахассислик бўйича оғзаки имтиҳон ҳамда маънавий психологик ҳислатларни аниқловчи суҳбат	13-16 март
3	Имтиҳон натижаларини эълон қилиш	31 март – 5 апрель
8	Ғолибларни эълон қилиш	12 апрель

**f. Қаерда эълон қилинади?**

Натижалар фонд биносидаги маълумот деворида ҳамда фонднинг интернет саҳифаларида мунтазам равишда эълон қилинади.

**16. Қатнашчининг махсус чет тили билим савиясини тасдиқловчи халқаро тоифадаги сертификати бўлса имтиҳон топшириш шартми?**

Ҳа, шарт. Чет тил билим савиясини тасдиқловчи халқаро тоифадаги сертификат инобатга олинмайди.

**17. Иш малакаси керакми?**

Магистратура босқичи бўлганлиги сабабли қатнашчининг танланган мутахассислик бўйича камида 2 йиллик иш малакаси бўлиши мақсадга мувофиқ.

**18. Тавсиянома керакми?**

Керак. Тавсиянома олий таълим муассаси ректори (ёки корхона, ташкилот, муассаса раҳбари) томонидан қатнашчи танловда иштирок этиши учун тақдим этилиши лозим.

**19. Бир нечта мутахассисликларга бирданига топширса бўладими?**

Қатнашчи фақат битта мутахассисликга хужжат топшириш ҳуқуқига эга.

**20. Танлов давомида йўналишни ўзгартирса бўладими?**

Бирламчи танланган мутахассислик йўналишини танлов мобайнида ўзгартириш мумкин эмас.

**21. Тиббиёт маълумотномаси керакми?**

Тиббиёт маълумотномаси танловнинг барча босқичларидан муваффақиятли ўтган номзодлардан талаб қилинади.

**22. Фонд билан қандай боғланса бўлади? Маълумот учун қаерга мурожаат қилиш керак?**

Танлов масаласида фонд ишчи гуруҳига қуйидаги телефон рақамлари орқали мурожаат қилишингиз мумкин: **237-34-20, 237-38-13.**

**23. Фонд стипендиатига қандай мажбуриятлар қўйилади?**

Фонд стипендиати билан махсус шартнома тузилади, унга асосан стипендиат ўқишни муваффақиятли битиргач, Ўзбекистонга қайтиб, фонд белгилаган корхона/муассасада 5 (беш) йил ишлаб бериш мажбуриятини ўз зиммасига олади.